

哈密志卷之八

輿地志 六

山嶺

拘密嶺一名白山子在哈密西距城五百餘里

烏克爾嶺距哈密城四百餘里

天山一名折羅漫山距哈密城一百二十里

碧綠山距哈密城二百里

平頂山距哈密城一百六十里

雪蓮坪距哈密城二百五十里

大雪山距哈密城一百九十里

艾爾古木山距哈密城二百六十五里

黑溝山距哈密城二百九十五里

巴達什山距哈密城三十里

石鐘山距哈密城二百五十里

廟兒溝山距哈密城二百七十五里

天生圈山距哈密城三百里

哈密辦事大臣薩湘林咏天山詩曰天山五月
雪猶寒款段徐行繞曲欄花草精神塵外長峰
巖氣勢畫中看松林密布千千樹石道重迴六
六盤絕頂登臨皆俯視飛泉聲出白雲端

袁玉堂咏天山絕句云伊吾西北月氏東一嶺
摩天氣象雄三十六盤登絕頂始知身已出雲

中

哈密廳幕友姚雨春咏哈密東廟兒溝詩云廟

兒溝古野雲殿春暮踏春青一灣萬里星河橫

北磧四圍屏嶂列南山部分白帽風流遠

哈密回即

白帽部二落見

翠曳紅裙歌舞爛松樹塘深松

哈薩克表傳

茂甚好聽鳴鶴嘎雲間

哈密松樹塘

瓜州司法參軍河內司馬木真立碑文曰昔匈

奴不滅實將軍勒燕山之功闕越未清馬伏波

樹銅柱之邊然則振英風於絕域申壯節於異

方莫不垂懋績於千秋播芳猷於萬古者矣

大唐德合二儀道高五帝握金鏡以朝萬國調玉燭
以馭兆民濟濟衣冠煌煌禮樂車書順軌扶桑
之表俱同治化所洽濛汜之鄉咸暨苑天山而
池瀚海內北戶以靜幽都莫不解辮髮於豪街
改左衽於夷陋高昌國者乃是西漢屯田之壁
遺兵之所有麴文泰即其苗裔也往因晉室多
難羣雄競馳中原之主邊隅遂隔間居戎狄竊
多拔王磨渴至今靡遺聲教自

皇威遠被稽顙來庭雖沐仁風情懷首鼠杜遠方之
職貢阻重譯之往來肆豺狼之心起蜂蟻之毒
若彼黎庶賊殺無已

聖上憇彼蒼生申茲吊伐乃 詔使持節光祿大夫

吏部尚書上柱國陳國公侯君集交河道行軍
大總管副總管左屯衛大將軍上柱國永安郡
開國公薛萬均副總管左屯衛將軍上柱國通
川縣開國男姜行本等爰整三軍張行天罰但

妖氣未殄將軍逞七縱之威百雉作固英奇申
九攻之略以通川公深謀間出妙思縱橫

命飭前軍營造攻具乃統沙州刺史上柱國望都縣

開國侯劉德敏右監門中郎將上柱國淮安縣

開國公衡智錫左屯衛中郎將上柱國富陽縣

開國伯屈昉左武侯郎將李海岸前開州刺史

時德衡右監門府長史王進威等並率驍雄鼓

行而進以貞觀十四年五月十日師次伊吾折

羅漫山北登黑紺嶺未盈旬月尅成奇功伐木

則山林殫盡叱咤則川谷蕩薄衝梯蹙整百巖

冰碎機檜一發千石雲飛墨翟之拒無施公輸

之妙詎比大總管運籌帷幄繼以中軍鐵騎亘

原野金鼓動天地高旗蔽日月長戟撥風雲自

秦漢出師未有如斯之盛也班定遠之通西域

故迹罕存鄭都護之滅車師空聞前史雄圖世

著彼獨何人乃勒石紀功傳諸不朽其詞曰我

昭赫大唐受天明命化濟得一功無爭競荒服
猶阻夷居不定乃拜將軍殄茲梟鏡其一六奇勤

思羣雄逞力陣開龍騰營設虎踞氣遮星光旗

明日色揚旌塞表振威西極其二峨峨峻嶺眇眇

平原塞雲暝結胡風晝昏經年凝冰長紀落雪

高樹岑巔銘功讚德

大唐貞觀十四年歲次庚子閏六月丁卯朔廿
五日辛卯立

天山碑文上額書三字一行曰大唐左屯衛將
軍姜行本勒石之紀文前銜又曰

交河道行軍總管右驍衛將軍上柱國派吳仁
領右軍十五萬

交河道行軍總管右武衛將軍上柱國既械縣
開國公牛進達領兵十五萬

辦事大臣務菴成書咏廟兒溝道中詩云回驂
南下土門溝宿雨初晴景倍幽夕日漸看遮樹

外殘雲依舊歛峯頭高墳峻岌插危漢山頂有漢回掌

教之墓名滾白古佛粒巖俯碧流大佛寺前笑我棲遲有溪環繞

空半載山川奇絕未經游

哈密生員張葆齋咏葫蘆溝詩云溝邊策馬景

偏奇一帶清流綠影差乳鴨飛來浮上水良禽

喚處落芳枝綠溪馥馥花隨路轉徑陰陰柳拂

籬無限風光真可賞幽人雅致對吟詩

又有咏上天山詩曰山道層巒水道牽一橋過

罷一橋連登峰近接三台域陟嶺遙開萬里天

玉岫銀花梅映色蒼松古柏鶴高眠凌空恍得

青雲路回頭悠悠覺自然

又有咏天山松雪詩云松雪相依聳峻巔松青

雪白兩新鮮雪飛嶺上添松態松長山頭映雪

妍雪壓青松松愈秀松含白雪雪悠然天山松

雪何時謝雪積千秋松萬年